



An Comhlacht Athbhreithnithe Ardtuarastal san Earnáil Phoiblí

Buanchomhlacht atá sa Chomhlacht Athbhreithnithe Ardtuarastal san Earnáil Phoiblí agus is í an príomhfheidhm atá aige ná comhairle a thabhairt don Rialtas i dtaobh na leibhéal ginearálta luach saothair is iomchuí do phoist arda áirithe san earnáil phoiblí.

Tá iarrtha ar an gComhlacht Athbhreithnithe ag an Rialtas athbhreithniú ginearálta a dhéanamh ar leibhéal luach saothair na bpost a thagann faoina théarmaí tagartha agus tuarascáil a sholáthar i dtaca leo sa dara leath de 2007. Is iad seo a leanas na grúpaí a ndéanfar an t-athbhreithniú ginearálta orthu:

- (1) comhaltaí an Rialtais, Airí Stáit, an tArd-Aighne, Cathaoirleach agus Leas-Chathaoirleach Dháil Éireann agus Sheanad Éireann agus Treoraí Sheanad Éireann;
- (2) na Breithiúna;
- (3) státseirbhísigh nach dtagann faoi scéim idir-réitigh agus eadrána na státseirbhíse;
- (4) gráid shinsearacha bhainistíochta sna húdaráis áitiúla agus i bhFeidhmeannacht na Seirbhíse Sláinte nach gcuimsíonn próiseas Chomhlacht Slat Tomhais na Seirbhíse Poiblí;
- (5) céimeanna Coimisinéara, Leas-Choimisinéara agus Coimisinéara Cúnta sa Gharda Síochána;
- (6) Ceann Foirne (Leifteanant-Ghinearál), Maor-Ghinearál agus Briogáidire-Ghinearál/Comadóir sna Fórsaí Cosanta;
- (7) an tArd-Reachtaire Cuntas agus Ciste;
- (8) príomhfheidhmeannaigh chomhlachtaí stát-urraithe neamhthráchála (tá liosta de na poist ar leith a ndéanfar athbhreithniú orthu ar fáil ó Oifig an Chomhlacht Athbhreithnithe nó ó shuíomh gréasáin an Chomhlacht Athbhreithnithe*);
- (9) Comhairleoirí Ospidéal;
- (10) Stiúrthóirí Sláinte an Phobail;
- (11) Speisialtóirí ar Shláinte an Phobail;
- (12) Speisialtóirí ar Ortadéadliacht;
- (13) Dochtúirí Príosúin;
- (14) Stiúrthóir na nIonchúiseamh Poiblí, Leas-Stiúrthóir na nIonchúiseamh Poiblí agus an Príomh-Atur na nIonchúiseamh;
- (15) Cláraitheoirí Contaetha;
- (16) Leas-Chathaoirleach agus gnáthchomhaltaí an bhoird sa Bhord Pleanála;
- (17) comhaltaí de na Coimisiúin seo a leanas:
 - An Coimisiún um Rialáil Fuinnimh
 - An Coimisiún um Rialáil Eitlíochta
 - An Coimisiún um Rialáil Cumarsáide
 - An Coimisiún um Ombudsman an Gharda Síochána
- (18) na poist seo a leanas i bhforais oideachais tríú leibhéal:
 - Cinn, Cláraitheoirí, Rúnaithe agus Sparánaithe ollscoileanna
 - Stiúrthóirí Institiúidí Teicneolaíochta
 - Uachtarán agus Stiúrthóirí Institiúid Teicneolaíochta Bhaile Átha Cliath
 - Cinn Choláistí Oideachais agus an Choláiste Náisiúnta Ealaíne is Deartha

Iarrtar ar dhaoine nó ar eagraíochtaí ar mian leo aighneacht a chur chuig an gComhlacht Athbhreithnithe i dtaca leis an athbhreithniú seo a leithéid a dhéanamh i scríbhinn faoi 10 Márta 2006.

Tá treoirínte d'aighneachtaí scríofa maidir leis an athbhreithniú seo leagtha amach ag an gComhlacht Athbhreithnithe. Tá cóip de na treoirínte ar fáil ó Oifig an Chomhlacht Athbhreithnithe nó ó shuíomh gréasáin an Chomhlacht Athbhreithnithe*. Ba chóir aighneachtaí a leagan amach de réir na dtreoirínte sin.

Breandán Ó Dufaigh, Rúnai,
An Comhlacht Athbhreithnithe Ardtuarastal san Earnáil Phoiblí,
7ú hUrlár, Teach Lansdúin, Bóthar Lansdúin, Baile Átha Cliath 4.

Teileafón: (01) 6682473 / 6682488

Facs: (01) 6682456

R-phost: info@reviewbody.gov.ie

*** Suíomh Gréasáin: www.reviewbody.gov.ie**